

adfectum illum intimum atq; ardentissimum, quo Deus, ipsiusq; Filius
 Iesus Christus erga suam Ecclesiam & quamlibet fidelem animam
 ducitur, insigni adeo amabilitate & tenerrimo colloquio non tam
 adumbrare quam depingere voluisse, atq; sic sermonem direxisse
 εις χειρὸν καὶ εις τὴν Ἐκκλησίαν, quod τὸ μυστήριον τῆτο μέγα appellat
 Apostolus *Epbes. V, 32*: Et hoc ipsum est, quod in præfatione Can-
 tici monuit Richardus de S. Victore, *Bestiales nobis adfectus exuen-
 di sunt, ne ad sacrum hunc montem bestia, accedentes lapidum grandi-
 ne obruantur aut cœlesti incendio absumantur*. Intelligitis, opinor,
 severissimæ præceptionis allegoriam ex *cap. XIX, 13*: *Exodi peti-
 tam*, quâ reprimatur curiositas singulis hominibus innata, da-
 mnanturq; mortis sententiâ transgressores, quo ad majorem ad-
 ducti modestiam sobriè sapiant, uti in h. l. adnotat *Christophorus
 Pelargus*. Ac licet varii sensus à divetis afferri soleant, tenen-
 dum tamen fuerit, quod *B. Augustinus* monuit, utrumq; si utrum-
 que verum sit, acceptandum esse, & si quid tertium, & si quid
 quartum, & si quid omninò aliud quispiam in illis verbis videat,
 si quidem unus Deus sacras literas vera & diversa visuris multo-
 rum sensibus temperaverit, ut & heic valeat illud Pauli, *Omnia
 hæc efficit unus ille & idem Spiritus, dividens peculiariter unicuiq;
 sicuti vult I. Corinth, XII, 11*: Ubi tamen semper distinguendum
 erit inter *sensum genuinum* sive proprium à Spiritu S. itentum,
 & *accommodatitium*; inter *genuinam* dicti alicujus *explicationem*
 & *secundariam* ejus *applicationem*.

Cùm ergò hæc ita sese omninò habeant, & juxta *Gregorii
 Nysseni* admonitionem, enarratio hujus Cantici non inhærere
 literis debeat, sed consideratione quadam diligentiori à crassâ
 vocum significatione ad spiritualem contemplationem mens sit
 avertenda, venerabilis Gerhardus verba in principio adducta de
Beatis Angelis exponit, utpote quos Deus ter Opt. Max. Ecclesiæ
 suæ, ejusq; omnibus ac singulis membris in custodias ac vigilias
 deputaverit, Idq; ex eò, quòd singula & verba & sententias Salomo